



ACTIONS TO CREATE AUTONOMY IN TURKESTAN: PROBLEMS AND CONFLICTS

Nafisa Valieva

Associate Professor

Namangan State Pedagogical Institute

Namangan, Uzbekistan

E-mail: nafisavaliyeva1981@gmail.com

ABOUT ARTICLE

Key words: Owner, scribes, judges, joint-stock companies, Turkestan Governor-Generalship, “foreigner” (“foreign breed”), native (“landowning population”).

Received: 20.12.24

Accepted: 22.12.24

Published: 24.12.24

Abstract: This article provides information about the political life of the Turkestan region, including the shortcomings of the management system, the state of the people, the attitude of the intelligentsia, its desire to influence the spiritual life.

ТУРКИСТОНДА МУХТОРИЯТЧИЛИК ҲАРАКАТЛАРИ: МУАММО ВА ЗИДДИЯТЛАР

Нафиса Валиева

Доцент

Наманган давлат педагогика институти

Наманган, Ўзбекистон

E-mail: nafisavaliyeva1981@gmail.com

МАҚОЛА ҲАҚИДА

Калит сўзлар: Мулкдор, уламолар, қозилар, актсийадорлик жамийатлари, Туркистон генерал-губернаторлиги, “бегона зот”, “ерли аҳоли”.

Аннотация: Ушбу мақолада Туркистон минтақасида сийосий ҳайот, жумладан бошқарув тизимидаги камчиликлар, халқнинг аҳволи, зийолиларнинг муносабати, уларнинг маънавий ҳайотга таъсир ўтказишга ҳаракат қилишлари хусусида маълумот берилди.

ДЕЙСТВИЯ ПО СОЗДАНИЮ АВТОНОМИЮ В ТУРКЕСТАНЕ: ПРОБЛЕМЫ И КОНФЛИКТЫ

Нафиса Валиева

Доцент

Наманганский государственный педагогический институт

Наманган, Ўзбекистан

E-mail: nafisavaliyeva1981@gmail.com

О СТАТЬЕ

Ключевые слова: Владелец, писцы, судьи, акционерные общества, Туркестанское генерал-губернаторство, «иностранная порода»), туземец («землевладельческое население»).	Аннотация: В данной статье представлена информация о политической жизни Туркестанского края, в том числе о недостатках системы управления, состоянии народа, отношении интеллигенции, ее стремлении влиять на духовную жизнь.
---	--

Кириш

Февраль инқилобидан сўнг аста-секин Туркистон бўйлаб Муваққат ҳукумат томонидан тугатилган подшо маъмурияти ўрнига жойларда жамоат ташкилотларининг ижроия комитетлари, яъни жамоат хавфсизлиги деб номланган комитетлар ташкил топа бошлади. 1917 йил 6 мартда 19 аъзодан иборат Тошкент ижроия комитети сайланиб, унинг таркибида маҳаллий аҳоли вакиллари озчиликни ташкил қиларди. Яна бир вақтнинг ўзида Тошкент ва бошқа айрим шаҳарларда ишчи депутатлари советлари ва солдат депутатлари ташкил топа бошлади. 1917 йил 28 мартда Тошкент солдат депутатлари Совети ва Тошкент ишчи депутатлари Совети қўшилиб, 7 апрелда ишчи ва солдат депутатлари Советининг ўлка съездини чақиришга қарор қилди. Аммо бу сиёсий жараёнларда ўлка турк-мусулмон халқлари вакиллари фаол иштирок этмади. Воқеалар ривожига ҳолатдан келиб чиқиб, Муваққат ҳукумат 1917 йил апрель ойи бошларида собиқ генерал-губернатор А.Н. Куропаткинни Петроград шаҳрига чақириб олди.

Мавзуга оид адабиётлар таҳлили (Literature review)

Айни пайтда, 7 апрелда, ўлкада вужудга келаётган сиёсий вазиятдан келиб чиқиб, Муваққат ҳукумат томонидан Н.Н.Шчепкин раислигида “Туркистонни бошқариш Муваққат қўмитаси” тузилиб, унинг таркиби 9 кишидан иборат этиб белгиланди. “Туркистонни бошқариш Муваққат қўмитаси”нинг 9 нафар аъзоларидан 4 нафари турк-мусулмон халқларига тааллуқли эди. Хусусан, унинг таркибида Букейханов Алихон Нурмаҳаметович (1866/70-1937) ҳам бўлиб [О‘zbekiston tarixi (1917-1991 yillar). Birinchi kitob. 1917— 1939 yillar. - Т.: “О‘zbekiston”, 2019. - В. 24], қозоқ миллатига мансуб эди. Шунингдек, Тинишпаев Муҳаммаджон Танишпаевич (1879/80-1937), қозоқ миллатига мансуб, Мақсудов (Максуди) Садретдин (Садри) Низамитдинович (1879-1957) татар миллатига мансуб, Букейханов А.Н. - 1905 йил Қирғиз (Қозоқ) конституцион - демократик партияси тузиш тарафдорларидан бири, I чақириқ Давлат думаси депутати. 1908-1917 йилларда Самарада сургунда бўлиб, илмий фаолият билан шуғулланган. 1917 йил мартда Муваққат ҳукумат томонидан Тўрғай вилояти комиссари этиб тайинланган.

1917 йил апрелидан “Туркистонни бошқариш Муваққат қўмитаси” аъзоси. 1917 йил майида кадетлар партияси марказий қўмита аъзолигига сайланган. 1917 йил 21-26 июлида Оренбургда бўлиб ўтган I Умумқирғиз (Умумқозок) съездида кадетлар партиясидан чиқиб, “Алаш сиёсий партияси”га аъзо бўлиб, 1917 йил 31 октябрида Тўрғай вилоят “Алаш” партияси раислигига сайланган.

Тадқиқот методологияси (Research Methodology)

1917 йил Октябрь давлат тўнтаришига салбий муносабатда бўлган. II Умумқирғиз (Умумқозок) съезди (Оренбург, 1917 йил 5-13 декабрь) ташкилотчиси. Умумқирғиз (Умумқозок) халқ кенгаши - “Алаш-Ўрда” раиси. 1919 йили совет ҳокимияти томонига ўтган [Мусулманские депутаты Государственной Думы России. 1906-1917 гг. Сборник документов и материалов. - Уфа: “Китап”, 1998. - С. 293-295].

Тинишпаев М.Т. - II чакириқ Давлат думаси депутаты. 1917 йил апрелидан “Туркистонни бошқариш Муваққат қўмитаси” аъзоси. 1917 йил августида мазкур қўмитанинг Еттисув вилоятига жазо экспедициясини юбориш қароридан норози бўлиб истеъфога чиққан. 1917 йил Октябрь давлат тўнтаришига салбий муносабат билдирган. IV Фавкулодда ўлка мусулмонлари съезди (Қўқон, 26-29 ноябрь, 1917) да Туркистон Мухторияти бош вазири, ички ишлар вазири, II Умумқирғиз (Умумқозок) съезди (Оренбург, 1917 йил 5-13 декабрь) да “Алаш-Ўрда” аъзоси. 1919 йил совет ҳокимияти томонига ўтган. 1932 йили антисовет фаолияти учун 5 йилга қамалган. Кейинчалик қамок жазосини Марказий-Коратупроқ районида сургунга алмаштирилган, 1958 йил оқланган [Мусулманские депутаты Государственной Думы России. 1906-1917 гг. Сборник документов и материалов. - Уфа: “Китап”, 1998. - С. 293-295].

Таҳлил ва натижалар (Analysis and results).

Мақсудов С. Н. - 1888 йилда Қозон мадрасасида ўқиган, кейин Боқчасаройда И. Гаспирали мактабида таълим олган. 1897 йил яна Қозонга қайтади ва кейин 1901 йилга қадар Туркияда кўзга кўринган жамоат арбоблари билан ҳамкорлик қилади. 1901-1906 йиллари Париж университети ҳуқуқшунослик факультетида ўқийди. III Бутун Россия мусулмонлар съезди (август 1906) да “Иттифоқ ал-муслимин” партияси Марказий қўмитаси аъзоси. II-III Давлат думалари депутаты. 1917 йил апрелидан “Туркистонни бошқариш Муваққат қўмитаси” аъзоси. II ва III Бутун Россия мусулмонлари съезди делегати. 1917 йил Октябрь давлат тўнтаришини қабул қилмади. Россия ва Сибир ички мусулмонлари Миллий Мажлиси (Миллий Мажлис) нинг (1917 йил 22 ноябрь - 1918 йил 11 январь Уфа) раиси. 1925 йилдан оиласи билан Туркияга кўчиб кетган. Икки марта Туркия парламенти депутаты бўлган. 1957 йил Истанбулда вафот этган [Мусулманские депутаты Государственной Думы России. 1906-1917 гг. Сборник документов и

материалов. - Уфа: “Китап”, 1998. - С. 293-295]. “Туркистонни бошқариш Муваққат кўмитаси” да татар миллатига мансуб, генерал-майор Абдулазиз Давлетшин ҳам бор эди. Россия Муваққат ҳукумати бу шахсларни “Туркистонни бошқариш Муваққат кўмитаси” таркибига киритиб, гўёки туркий халқлар вакиллари бошқарув тизимида иштирок этишга жалб қилинганини намоёни этгандек... Аммо шуниси борки, дастлабки таркибда бўлган Алихон Букейханов Туркистонга келмади. Садри Мақсудий ва Абдулазиз Давлетшинларни кўмитаси аъзоси бўлишларини Туркистон солдат ва ишчилар совети хоҳламади. Охир-оқибат 4 нафар вакилдан фақатгина М. Тинишпаев қолди.

Хулоса ва таклифлар (Conclusion/Recommendations).

Туркистон Марказий “Шўройи Исломия” жамияти томонидан С. Мақсудов ва А. Давлетшинлар ўрнига қозоқ Мустафо Чўқаев ва Қозон мусулмонларининг кўмита раиси, татар Муҳаммаджон Тўхторовлар номзоди кўрсатилди. “Туркистонни бошқариш Муваққат кўмитаси” нинг раиси Н. Н. Шчепкиннинг ўзи ҳам Туркистонни яхши билмас эди. Қолган 5 нафар рус аъзоларидан 2 нафари бир оз ишламай, Тошкент ишчи солдат депутатлари билан келиша олмай, Петроградга қайтиб кетишга мажбур бўлди. Умуман олганда, Н. Н. Шчепкин бошчилигидаги кўмита аъзолари, Маҳмудхўжа Бехбудий таъкидлаганидек, “... бизнинг ҳаётимизни билмаганлари ҳолда, идора қилиш учун йўриқнома чиқарармишлар”, - деб уларга нисбатан ўз муносабатини норозилик ила билдирган [O‘zbekistonning yangi tarixi. Ikkinchi kitob. O‘zbekiston sovet mustamlakachiligi davrida. - T.: “Sharq”, 2000. -B. 30-31; Mingnarov A. Turkistondagi ijtimoiy-siyosiy jarayonlarni milliy matbuotda yoritilishi (1917-1918 yillar). - T.: “Istiqlol nuri”, 2013. - B. 36-37]. Ўлкадаги ижтимоий-сиёсий жараёнлар таранглашиб бораётган бир вазиятда “Туркистонни бошқариш Муваққат кўмита” си билан маҳаллий жамоат ташкилотлари ўртасида қарама-қаршилик, келишмовчиликлар юзага келган эди. Туркистонда вужудга келган ижтимоий-сиёсий вазият янги сиёсий партия, сиёсий ҳаракат ва гуруҳлар пайдо бўлишига туртки берди. Янги миллий ташкилотлар: “Озод халқ” [O‘zbekistonning yangi tarixi. Ikkinchi kitob. O‘zbekiston sovet mustamlakachiligi davrida. - T.: “Sharq”, 2000. -B. 30-31; Mingnarov A. Turkistondagi ijtimoiy-siyosiy jarayonlarni milliy matbuotda yoritilishi (1917-1918 yillar). - T.: “Istiqlol nuri”, 2013. - B. 36-37.], “Мифтох ул-маориф”, “Хуррият”, “Маърифат ва шариат”, “Иттифоқи Исломия”, “Тижорат ул-ислом”, “Равнақ ул-ислом”, “Гулистон”, “Муаййин ат-толибин”, “Жамияти Исломия” каби ташкилотлар тузилди.

Фойдаланилган адабиётлар:

1. O‘zbekiston tarixi (1917-1991 yillar). Birinchi kitob. 1917— 1939 yillar. - T.: “O‘zbekiston”, 2019.

2. Мусульманские депутаты Государственной думы России. 1906-1917 гг. Сборник документов и материалов. - Уфа: "Китап", 1998.
3. Лепёшкин Д. М. Местные органы власти советского государства (1917-1920 гг.). Москва. Гос. изд. юрид. литературы 1957. -304с.
4. Лепёшкин Д. М. Местные органы власти советского государства (1921-1936 гг.). Москва. Гос. изд. юрид. Литературы. 1959. -412с.
5. Мильштейн Н. Из истории Туркестанской ЧК. -Ташкент, Наука, 1965. -38 с.
6. Непомнин В. Я. Исторический опыт строительства социализма в Узбекистане (1917-1937 гг.). -Ташкент: Госиздат УзССР, -1960. -221 с.